

## **PRIJEDLOG**

Na osnovu člana 10. Zakona o cestama Federacije Bosne i Hercegovine ("Službene novine F BiH", br. 12/10, 16/10, 66/13), člana 7. Zakona o stvarnim pravima Federacije BiH ("Službene novine F BiH", br. 66/13, 100/13), člana 55. Statuta Općine Ilijaš – prečišćeni tekst ("Službene novine Kantona Sarajevo", br. 20/09), i člana 99. Poslovnika o radu Općinskog vijeća Općine Ilijaš ("Službene novine Kantona Sarajevo", br. 2/10, 18/15) Općinsko vijeće na sjednici održanoj dana \_\_\_\_\_ 2018. godine, a kao predhodno pitanje u predmetu rješavanja imovinsko pravnih odnosa na zemljištu planiranom za izgradnju reciklažnog dvorišta – mjesta namijenjenog za razvrstavanje i privremeno kontejnersko skladištenje posebnih vrsta komunalnog otpada pogodnog za reciklažu, donosi

### **O D L U K U**

o gubitku statusa javnog dobra  
u općoj upotrebi

#### **Član 1.**

Utvrđuje se da je izgubilo status javnog dobra u općoj upotrebi nekretnina upisana u Iskaz I javno dobro, a označena je kao k.č.br. 201/2 po kulturi lokalni put "Put za Kadariće" u površini od 808 m<sup>2</sup> upisana u zk.ul.br. 1597 K.O. Ilijaš Grad.

#### **Član 2.**

Zemljišnoknjižni ured Općinskog suda u Sarajevu će na nekretnini iz tačke 1. ove Odluke brisati status nekretnine koja je upisana u zemljišnoj knjizi kao javno dobro, te upisati pravo vlasništva u korist Općine Ilijaš sa dijelom 1/1 u odgovarajući zemljišnoknjižni uložak.

#### **Član 3.**

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-\_\_\_\_\_/18

**PREDSJEDAVAJUĆI  
OPĆINSKOG VIJEĆA**

Ilijaš, 17.07.2018. godine

Mahir Dević, prof. s.r.

## **O b r a z l o ž e n j e**

Pravni osnov za donošenje ove Odluke član 10. Zakona o cestama Federacije Bosne i Hercegovine ("Službene novine F BiH", br. 12/10), član 97. Statuta Općine Ilijaš – prečišćeni tekst ("Službene novine Kantona Sarajevo", 20/09).

Služba za imovinsko pravne poslove, geodetske poslove i katastar Općine Ilijaš zaprimila je zahtjev Službe za prostorno uređenje i zaštitu okoliša za rješavanje imovinsko pravnih odnosa na zemljištu iz člana 1. ove Odluke a u svrhu izgradnje reciklažnog dvorišta čiji je investitor Općina Ilijaš.

Uz zahtjev je priloženo rješenje Službe za prostorno uređenje i zaštitu okoliša br. 05/1-23-1342/16 od 06.06.2017. godine kojim je data urbanistička suglasnost Općini Ilijaš kao investitoru za izgradnju reciklažnog dvorišta – mjesta namijenjenog za razvrstavanje i privremeno kontejnersko skladištenje posebnih vrsta komunalnog otpada pogodnog za reciklažu, opasnog otpada iz domaćinstva, te za privremeno skladištenje kabastog otpada i manjih količina građevinskog otpada na zemljištu iz člana 1. ove Odluke.


U postupku rješavanja imovinsko pravnih odnosa kao predhodno pitanje neophodno je riješiti gubitak statusa javnog dobra u općoj upotrebi radi uređenja i oblikovanja građevinske parcele koja je utvrđena navedenom urbanističkom saglasnošću kao i skicom lokacije građevinske parcele od 11.08.2017. godine.

Voditelj postupka, Fazlić Velid, dipl.pravnik

**OPĆINSKI NAČELNIK**

Akif Fazlić, dipl.ecc. s.r.

KOPIJA KATASTARSKOG PLANA  
Razmjera 1:1000



Oslobođeno plaćanja naknade.

		Podaci o nosiocima prava		
PLUKU	Naziv	Adresa	Pravo	Udio
179	DS:JAVNO DOBRO-PUTEVI	ILIJAŠ	Posjednik	1/1
197	DS:OPŠTINA ILIJAŠ	UL. 126. ILIJAŠKE BRIGADE BR. 6. ILIJAŠ	Posjednik	1/1

		Podaci o parceli		
PLUKU	Parcela	Način korištenja	Naziv	Površina [m <sup>2</sup> ]
179	201/2	Lokalni put	PUT ZA KADARIĆE	808
197	202/3	Zemljište uz privrednu zgradu	BANOVAČ	798

Izradio  
Nizama Mališević



Po ovlaštenju Općinskog načelnika:  
Šef Odsjeka za katastar:  
Mr Nizama Mališević

*Mališević*